

ԵՏԵՓԱՆՈՍ ՆԱԶԱՐԱՅԱՆՑԸ ՀԱՍԱՐԱԿԱԿԱՆ ԱՌԱՋԱԴԻՄՈՒԹՅԱՆ ՄԱՍԻՆ

Ռ. Ա. ՍԱՀԱԿՅԱՆ

Ստեփանոս Նազարյանցը բազմիցս անդրադարձել է հասարակական առաջադիմության հարցերին: Պատմության ըմբռնման խնդրում հետևելով իր ժամանակի բուրժուական առաջավոր մտածողներին, նա գտնում էր, որ պետք է վերակառուցել, լուսավորել հայկական կյանքը ուսումնական առաջավոր ժողովուրդների օրինակով:

Ստեփանոս Նազարյանցը քննադատում էր հասարակության ղարգացման կրոնաաստվածաբանական ուսմունքը և դրան տուրք տվող այն մտածողներին, որոնց ըմբռնմամբ «պատմությունը... չէ մարդկային հառաջդիմության և աստիճան առ աստիճան բարդավաճաճի հանդես, այլ մի դադարում, մեռյալ լիճ, eine Pfütze, Sumpf, Stagnation»¹: Հայ լուսավորիչը գտնում էր, որ հասարակության ղարգացման ընդհանուր օրինաչափությանը ենթարկվում են բոլոր ժողովուրդները:

Ստրդկային պատմության, հասարակական առաջադիմության գիտական բացատրությունը առաջին անգամ տրվել է «Գերմանական գաղափարախոսություն» մեջ Կ. Մարքսի և Ֆ. էնգելսի կողմից: Մարքսիզմի կլասիկները ցույց տվեցին, որ մարդկային հասարակության պատմությունը սկսվում է արտադրությունից: «Հենց նյութական արտադրությունն է մարդուն տարբերում կենդանուց: Մարդկանց կենդանիներից կարելի է տարբերել գիտակցությամբ, կրոնով, ընդհանրապես ինչով կամենաս: Նրանք իրենց սկսում են տարբերել կենդանիներից, հենց որ սկսում են իրենց համար անհրաժեշտ կենսամիջոցներ արտադրել»:

Մարդկային պատմության առաջին նախադրյալը անհրաժեշտ գոյամիջոցների արտադրությունն է: Նազարյանցը փորձում էր ըմբռնել այդ բանը և հասարակական առաջադիմության գաղափարներին մոտենում էր սրպես օրինաչափ մի պրոցեսի²: Նա պայքարում էր տգիտության, խավարամտության և նրանց դեմ, ովքեր չէին ընդունում հասարակական ղարգացման անհրաժեշտությունը: «Եվ որ կամին դոքա պատասպարել յուրյանց անձը, փրկություն դտնել այն տիեզերական կալոցից որ ամենայն տեղ թագավորում է, որ և ասվում է կյանք, կենդանություն, շարժողություն, վերստին նորոգություն: Ահա մարդկային կյանքի և աշխարհաշինության հիմնաքարը, որի վերա հաստատ-

¹ Ստ. Նազարյան, Նամականի, Երևան, 1969, էջ 472:

² Կ. Մարքս և Ֆ. էնգելս, Ֆոլերբախի մատերիալիստական և իդեալիստական հայացքների հակադրությունը («Գերմանական գաղափարախոսություն» գլխի նոր հրապարակումը), Մոսկվա, 1966, էջ 23:

³ Տե՛ս Ստ. Նազարյանց, Յաղագս փորձական հոգեբանության ճառ, Մոսկվա, 1851, էջ 9:

վելով բարձրացել է մարդկության դրությունը,— գրում է Ստ. Նազարյանցը⁴։ Նա գտնում էր, որ եթե խավարամոլները աչքերը բանան և «միտ դնեն պատմության ընթացքին», ծանոթանան այն փոփոխություններին, որոնք առաջացրել է ժամանակը մեծ գործ կազմելով պատմության մեջ, ապա այն ժամանակ կհասկանան, որ Նազարյանցի ցանկությունը թելադրվում է ոչ թե «յուր գլխով ու կամքով, այլ մարդկության և նորա հառաջադիմության կարգի և օրենքի անունով»⁵։ Նա հասարակական առաջադիմությունը համարում էր մի օրինաչափ պրոցես և գտնում էր, որ մարդկության պատմությունը հասկանալու համար պետք է հաշվի առնել հասարակական կյանքի նյութական և հոգևոր վիճակն ու պահանջները, նրանց փոխներդրությունը։ Հետևաբար, այս կամ այն ժողովրդի ներկայի որպիսության գաղտնիքը պետք է որոնել նրա անցյալի մեջ։ Ըստ Նազարյանցի որևէ անձնավորության ու վիճակը բացահայտելու համար պետք է ուսումնասիրել նրա կյանքի պատմությունը, պատկերացում կազմել այն միջավայրի մասին, որտեղ մեծացել է, ծնողների մասին, որոնք դաստիարակել են նրան։ Ահա նույն ձևով էլ մի կողմ պետք է դնել բոլոր կանխակալ կարծիքները նաև ժողովրդի ինքնությունը ճանաչելու, ուսումնասիրելու ժամանակ։ «Անաշառապես քննել նորա գոյացության և աճելիության առիթները, այսինքն արմատը, հողը և օդի որպիսությունը, որոնց ազդեցության տակ դաստիարակվել է նա... Ամենայն ազգ,— շարունակում է Նազարյանցը,— թե՛ նորա պարծանքը և թե՛ նորա ամոթը, հետևվանք է նորա պատմության. ասել է այն գործերի ու անցքերի, որք եղած են ազգի կյանքի մեջ»⁶։

Նազարյանցը անհրաժեշտ էր համարում առաջ տանել ազգի լուսավորության ու կրթության գործը ժամանակի պահանջներին համապատասխան։ Հենց դրա մեջ էլ նա տեսնում էր իր և ամեն մի ուսյալ հայի «ամենամեծ խնդիրը—խնդիրների խնդիրը»։ Նա գտնում էր, որ ժողովուրդը կարոտ է այժմ այլ ուսուցիչների, քան կարող էր տալ նրանց «խուցերի մեջ փակված, մարդկությունից բոլորովին օտարացած մի հասարակություն»։ 1869 թ. հուլիսի 21-ին Փիլիպոս Վարդանյանին գրած նամակում նա կոչ է անում «սուրը ձեռքին պատերազմել» այն սգեառների դեմ, որոնք հավակնում են ուսուցանել ժողովրդին։ Նազարյանցը հորդորում է պայքարել հայ ազգի անունը ապականողների ու խաչտառակողների դեմ. «Ժսծկել այնպիսի մարգերի ամոթը, որ անպիտան են ազգին, մանավանդ թե թշնամի և վնասակար իսկ, ի՞նչ խորհուրդ ունի»։ Նրա խորին համոզմամբ հայ մանուկներն իրենց ժողովրդի պատմությունը պետք է ուսումնասիրեն ամենից առաջ մայրենի լեզվով։ Նազարյանցը պայքարում էր հանուն պատմագրության եվրոպականացման։ Այս հարցում նրա ամենամեծ ծառայությունը պետք է համարել այն, որ պայքարելով գրաբարամոլների դեմ, նա ծառայում էր պատմության կրոնական ըմբռնման դեմ։ «...կաշխատենք նույնպես հեռի հալածել մեզանից և միտ դնել ավելի, ամփոփ և խելացի պատմաբանության,— գրում է Նազարյանցը,— ամենայն պատմական անցք հանդիման կացուցանելով որպես մի բնական զուգավորիչ օղ մի մեծ շղթայի, այսինքն տանելով և հասունացնելով յուրաքանչյուր իրողություն յուր պատճառներին և աղբյուրին, ուստի հառա-

⁴ Ստ. Նազարյանց (Պողոս Ղուկասյանց), Մի քանի խոսք, «Հյուսիսափայլ», 1860, № 2, էջ 495։

⁵ Նույն տեղում։

⁶ Ս. Նազարյանց, Երկեր, հ. 1, Թիֆլիս, 1913, էջ 40։

ջաջիւ էր նա, և փախչելով ամենայն կրօնական նեղսրտութենից, որ վերաց-նելով ամենայն բարոյական ազատութիւն մարդու մեջ, սովոր է ամենայն տիպար անցք մի ազդային կյանքի մեջ ընծայել Աստծո պատժող գավազանին, փոխանակ բացահայտելու դորան պատմական պատճառներով և իրողութեամբ»⁷։ Ակնհայտ է դառնում, որ հայ լուսավորիչը Հասարակության զարգացման կամ որևէ պատմական իրադարձութեան մեկնաբանութեան ժամանակ լսնտեսում է աստվածային ամենազորութեան և ամենագիտութեան ավանդական պատկերացումները ու դրանք համարում է «կրօնական նեղսրտութիւն»-ի և «Հյուսիսափայլում» հրապարակած իր հոդվածներում (Հատկապես «Հայաստան» և «Պատմութիւն հայոց ազգի») Նազարյանցը, գտնվելով անգլիայի Շ. Բոկլիի ուսմունքի ազդեցութեան տակ, հետևում էր աշխարհագրական պատկերացումի տեսութեանը, սակայն դա չէր խանգարում որ նա պատմութիւնը հռչակեր ոչ թե աստծո, այլ մարդու գործ՝ ոչ թե աստծուն, այլ մարդուն պարծնելով իր պատմութեան ու ճակատագրի տերը։ Հասարակութեան առաջադիմութեան ու նրա պատմութեան վերաբերյալ նման տեսակետը պետք է համարել համարձակ քայլ տվյալ պատմական ժամանակահատվածում, որովհետև գոյություն ունեւ եկեղեցու կողմից դարեր ի վեր մշակված իշխող հայեցակետ։

Նազարյանցը հաճախ մոտենում էր հասարակական առաջադիմության օբյեկտիվ նյութական պատճառների ըմբռնմանը։ Նրա կարծիքով ողջ հասարակական կյանքի, ինչպես նաև պատմական առաջադիմության ու նյութական բարիքների ստեղծման բնագավառում մարդկության ձեռք բերած հաջողութիւնների շարժիչ ուժը հասարակական շահն է, կարիքը, «հարկավորութիւնը»։ Նազարյանցին մշտապես ուղեկցող միտքն այն էր, որ «հարկավորութիւնը» կարևոր դեր է խաղում հասարակության նյութական խնդիրների լուծման հարցում. «Ամենայն պիտույք մարդկային կյանքի մեջ ծնանում է և զորանում է, եթե կա հարկավորութիւն, հարցովսնդի դորա մասին»⁸։ Նա գտնում էր, որ մարդկութիւնը չի մնացել իր վայրենիության աստիճանին, որովհետև նրան միշտ առաջ է մղել «հարկավորութիւնը»։ «Ինչ հրաշքներ հառաջացուցել է այդ հարկավորութիւնը,— գրում է Նազարյանցը,— մեր տուները և ասպարանները, այն ճարտարապետական մեքենայքը մանելու և հյուսելու այն կերպասեղենքը, որ սպասավորում են մեր մերկութիւնը ծածկելու, մեր մարմինը զարդարելու վայելչապես, այն հազարավոր գյուտերը և վերահասութիւնքը, որով մարդս դարձել է հրամայող տեր բնութեան վերա և գործ է դնում նորա բերքը և դորութիւնքը այնքան բազմօրինակ խորհորդներով»⁹։ Հայ լուսավորիչը ընդունում էր «հարկավորութեան» նշանակալի դերը ոչ միայն հասարակութեան նյութական բարեկեցութեան, այլև «իմացական բարեկեցութեան» հարցերում։ Հենց սրանով էլ Նազարյանցը մոտենում էր հասարակական առաջադիմութեան օբյեկտիվ օրենքների ըմբռնմանը։

Հայտնի է, որ աշխատանքը կազմում է մարդկային կեցութեան նախահիմքը, որովհետև աշխատանքի շնորհիվ է մարդն առանձնանում կենդանական աշխարհից։ Ֆ. էնգելսը «Բնութեան դիալեկտիկա» աշխատութեան մեջ բնութագրելով աշխատանքի դերը կապի մարդացման պրոցեսում, գրել է. որ աշխատանքը «մարդկային ամբողջ կյանքի առաջին հիմնական պայմանն է.

⁷ Նույն տեղում, էջ 165—166։

⁸ Նույն տեղում, էջ 138։

⁹ Նույն տեղում, էջ 139։

և այն էլ այն աստիճան, որ մենք որոշ իմաստով պետք է ասենք՝ հենց աշխատանքն է ստեղծել մարդուն»¹⁰։

Նազարյանցը հասարակական առաջադիմության պրոցեսում նշում էր պատմական պրոցեսի վճռական գործոնի՝ մարդկանց գործունեության դերը։ Նա գտնում էր, որ հասարակական պահանջարկը հանգեցրել է տեխնիկայի կատարելագործմանը՝ ստեղծելով արտադրության ամենանուրբ և ամենաբարդ գործիքներ, որոնց օգնությամբ մարդը սկսեց իշխել բնության վրա։ Հենվելով իր ժամանակի առաջավոր փիլիսոփայական մտքի վրա, Նազարյանցը գտնում էր, որ վայրենի մարդ է դարձել աշխատանքի շնորհիվ և «մարդու ձեռքերը համարվում են նորա հաղթողիմության հոյակապ միջոցները»¹¹։ Մարդու իշխանությունը բնության վրա վերջ չունի, քանի որ «կատարելության մի աստիճանը մարդուն տանում է մյուսին, ավելի բարձր կատարելության աստիճանի»¹²։ Այնուհանդերձ Նազարյանցը մարդկության պատմությունը, հասարակական առաջադիմությունը դիտում էր առավելապես մտքի, գիտակցության, հոգևոր կյանքի պատմության տեսանկյունով՝ ի հայտ բերելով իր պատմահայեցողության իդեալիստական բնույթը։ «Բայց պատմության իդեալիստական ըմբռնման սահմաններում Նազարյանցը խորապես գիտակցում էր, որ հասարակական առաջադիմության ճանապարհը հարթ չէ, բուստի և պահանջում է վիթխարի եռանդ, անհողդողդ կամք, ազնիվ սիրտ և լուսավոր լավատեսություն մարդկային ապագայի նկատմամբ»¹³։

Նազարյանը քաջ գիտեր, որ հինը հեշտությամբ զենքը ցած չի դնում և առանց պայքարի չի զիջում իր իշխանությունը։ «Հյուսիսափայլի» հրատարակողը «հանդես է գնալու մի փոթորկի,— գրում է Նազարյանցը,— տեսանենք հավա՞րը կհաղթի լուսին, թե՞ լուսը խավարին, միայն թե մեր ազգի մարդիկը ունենային այնքան բարոյականություն և ազնիվ պատվասիրություն (moralité et une noble ambition), որ չկամեին պատերազմել իմ հետ բռնակալության ճանապարհով, այլ պատվավոր զենքով, բայց պապականք ու ասիացիք այս գործի մեջ միասին սովոր են ընթանալ, ուր պակաս է պատվավոր զենքը, որ միայն տեղիք ու հանդես ունեն լիտերատուրայի մեջ, այնտեղ կամին գործ դնել մի կոպիտ բռնակալության (un despotisme brutale)... պատերազմել պիտո է, և միաբանությամբ, այնուհետև հաղթությունը կլինի ձեր և մեր բաժին»¹⁴։ Իրավացի էր Նազարյանցը, երբ կարծում էր, թե նորը չի հաղթանակում առանց հին պատենշը խորտակելու։ Այդ փաստը հիմնավորելու համար նա մեկ անգամ չէ, որ անդրադարձել է կաթոլիկության քննադատությանը, որը եվրոպական ժողովուրդների կյանքում գիտության, լուսավորության և նորի դեմ մղվող պայքարում տխրահռչակ դեր է խաղացել։ Նազարյանցի կարծիքով կրոնը, տարբեր հերձվածների, տարածայնությունների պատճառով (որոնց հիմքում ընկած են մոլեկրոնությունը, սնոտիապաշտությունը, կույր հավատը) թշնամացնելով ազգերին՝ իրար հետ, ոչ միայն խոչընդոտել է նրանց մերձեցմանը, այլև պատճառ է հանդիսացել բազմաթիվ

10 Ֆ. էն գ ե լ ա, Բնության դիալեկտիկա, Երևան, 1969, էջ 167։

11 Ս. Նազարյանց, Հանդես նոր հայախոսության, 2-րդ մաս, Մոսկվա, 1857, էջ 365։

12 Նույն տեղում, էջ 375։

13 Ռ. Կարապետյան, Ստեփանոս Նազարյանց, փիլիսոփայական հայացքները, Երևան, 1976, էջ 101։

14 Ս. Նազարյանց, Նամականի, էջ 203։

արյունահեղ պատերազմների, որ ընդհանուր ոչինչ չունի Քրիստոսի ուսմունքի հետ: Սակայն այդ պատերազմները նա չի դիտում սոսկ կրոնական պատերազմներ, որովհետև «եթե Ավետարանը միայն բորբոքած լիներ այդ վեճը, որ մերկացուցել էր այնքան սուրեր, ապա այս աստվածեղեն գիրքը ունեցած կլիներ և կարողություն խաղաղեցնելու կռվողների սիրտը»¹⁵: Կարելի է եզրակացնել, որ այս բախումների, պատերազմների պատճառը հայ լուսավորիչը տեսնում էր տարբեր հասարակական, սոցիալ-քաղաքական խմբավորումների շահերի և նպատակների մեջ:

XIX դարում, երբ եվրոպական ժողովուրդները նվաճել էին գիտության բարձունքները, հայ ժողովուրդը պետք է արթնանար իր լեթարգիական քնից և հետևեր եվրոպական լուսավորությանը, որովհետև այդ էր պահանջում ժամանակը: «Մենք պիտի ծառայենք ժամանակին,— գրում է Նաղարյանցը 2. Լազարյանին,— ուշադիր հետևենք նրա ընթացքին, որպեսզի այն շոշափանի մեզ, ինչպես իր ուշացած երեխաների, որպեսզի չկանգնենք ծերունի Սատուրնի կողմից»¹⁶: Ելնելով պատմական օրինաչափության ըմբռնումից, Նաղարյանցը գտնում էր, որ բոլոր ժողովուրդներն էլ գտնում են կամ պիտի գտնեն նույն ընդհանուր ճանապարհով: Դա նշանակում էր, որ այն ճանապարհը, որի վրա ուղի էին դրել Եվրոպայի ժողովուրդները պատմական օրինաչափության թելադրանքով, անխուսափելիորեն պիտի անցնեն նաև մյուսները, այդ թվում նաև հայերը: Նաղարյանցի կարծիքով պատմական օրինաչափությունը բացառություն չի ճանաչում:

Հասարակական առաջադիմության պատճառը նա որոնում էր ոչ թե սուբյեկտիվ կամքի կամ համաշխարհային բանականության, նախախնամության մեջ, այլ հենց հասարակական զարգացման օբյեկտիվ օրենքների մեջ: Հասարակության զարգացումը Նաղարյանցը բացատրում էր նրա իսկ օրենքներով և օրինաչափություններով, որի հիմքում տեսնում էր հասարակական արտադրությունը: «Առհասարակ, բոլոր աշխարհաշինությունը, բոլոր բարիքը, որ այժմ վայելում է մարդկությունս, թե՛ նյութական և թե՛ իմացական, գոյացել են ընկերության միաբան գործակցությամբ»¹⁷: Բայց Նաղարյանցը միաժամանակ գտնում էր, որ պատմական օրինաչափության գոյությունը դեռևս չի նշանակում, թե հասարակական զարգացումը առաջ կգնա առանց մարդկային գիտակցական գործունեության: Նա չէր կասկածում, որ «մի ազգ ամենևե՛վ ին բարձիթողի արած, չէ կարող բարեկարգվել ինքն ըստ ինքյան, այլ պիտո է օր ըստ օրե վայրենանա, վատթարանա ու գաղանանա: Ամենայն աշխարհաշինություն գին է անթիվ ու անհամար աշխատանքների»¹⁸: Նաղարյանցը քննադատում է հոգևորականներին և նրանց նման մտածողներին, որոնք սպասում են, որ տերը կառուցի իրենց տունը և ձեռքերը ծալած սպասում են, որ «տունը ինքն ըստ ինքյան, մի աստվածային հրաշքով գլուխ գա»: Չպետք է ամեն ինչ թողնել աստվածային հրաշքին, որովհետև մարդն օժտված է նաև բանականությամբ և ազատ կամքով, որպեսզի իր հանձարով և բարոյական ազատությամբ «բարեկարգի յուր թե՛ նյութական և թե՛ իմացական գոյությունը, աշխատե և քրտնե շինելով յուր տունը»¹⁹: Այսպիսով, պատմական առա-

¹⁵ «Հյուսիսփայլ», 1858, № 11, էջ 356:

¹⁶ Ս. Նաղարյանց, Նամականի, էջ 74:

¹⁷ Ս. Նաղարյանց, Երկեր, հ. 1, էջ 263:

¹⁸ Նույն տեղում, էջ 5:

¹⁹ Նույն տեղում:

ջաղիմությունը նա ընդունում էր որպես հասարակական զարգացման օբյեկտիվ օրինաչափություն, որը իրագործվում է այդ հասարակության, մարդկանց ամենօրյա աշխատանքի, գիտակցական գործունեության, կամքի լարման և գործադրման միջոցով: Նազարյանցը գտնում էր, որ մարդկանց այդ գործունեություններ էլ հենց պայմանավորված է հասարակական զարգացման օբյեկտիվ ընթացքը: Նորի, առաջավորի հաղթանակը նա տեսնում էր պայքարի մեջ, շարժման ու զարգացման պրոցեսում, ուրախություն էր հայտնում, «որ պատերազմ կա ազգի մեջ, որովհետև պատերազմով միայն կարող են առաքինքը հաղթություն պսակը գրավել՝ պատերազմի մեջ կհայտնվին քաջքը և վատասիրտքը, ընտիրքը և անպիտանքը»²⁰:

Այդ պայքարում Նազարյանցի քննադատական սուր խոսքն ամենից առաջ ուղղված էր գրաբարամուլներին դեմ, որովհետև գրաբարամուլությունը ոչ միայն կանխում էր հայ ազգի առաջադիմությունը, այլև հեռու էր պահում հայ ժողովրդին եվրոպական լուսավորությունից: Մինչդեռ ազգի հոգևոր ազգակր, առաջին «անոթը» նա համարում էր լեզուն. «Լեզուն, ժողովրդական լուսավորության ամենահզոր օրգանն է, լեզուն, ինչպես և գրականությունը, ամենանվիրական բանն է յուրաքանչյուր ազգի համար»²¹: Ի դեպ, նշենք, որ այս միտքը Նազարյանցն արտահայտել է դեռևս 1843 թ. Հ. Լազարյանին գրած նամակում: Չնայած իր «Վարդապետարանում» ազգը որոշող հատկանիշների շարքում, բացի լեզվից, նա հիշատակում էր նաև կրոնը, բայց մնացած բոլոր դեպքերում, թե՛ վաղ և թե՛ ավելի ուշ գրած նամակներում և աշխատություններում կրոնը չի ընդգրկում ազգի «հոգեղեն անոթների» թվում: Իսկ «Հոգեբանության» մեջ գրում էր. «Յորոյ ազգի լեզու մտածէ և խօսի ոք, ի համարի ասի լինել նորին իսկ ազգի, և լեզու է՝ որ զատանէ աղգ յազգէ, ոպ դարձեալ՝ նա է՝ որ կապակցէ զմարդիկ յազգի»²²:

Նազարյանցը հանդես եկավ կղերական այն մտայնության դեմ, ըստ որի կրոնը, հավատը դիտվում էր որպես ազգի պահպանության հիմք: Հայ եկեղեցին, պնդելով այս տեսակետը, դրանով իսկ ցանկանում էր հավերժացնել և արդարացնել զրաբարի գոյությունը: Սակայն զրաբարը անհասկանալի էր ժողովրդին և հասկանալի էր շատ փոքրաթիվ մարդկանց: Հետևաբար, հայ եկեղեցին իր զրաբարով ինչպես անցյալում, այնպես էլ այժմ, կարող էր միայն խոչընդոտել գիտության, լուսավորության տարածմանը: Ուստի հայ լուսավորիչը իր ժողովրդի վերածնունդը կապում էր նոր՝ աշխարհաբար լեզվի հետ: Նազարյանցը գտնում էր, որ յուրաքանչյուր հայի համար իր լեզուն պետք է լինի մի սուրբ բան, իր աչքի լույսը, սրտի արյունը, իր կենդանության հիմքը և իր պատիվն ու պարծանքը: Նրա համոզմամբ ոչ թե ազգն է կրոնի համար, այլ կրոնն է ազգի համար:

Նոր սերնդի շատ ներկայացուցիչներ գտնում էին, որ հայությունը ազգային առաջադիմության հարցում պետք է հետևի եվրոպայի օրինակին: Նազարյանցը և նրա համախոհները, անշուշտ, չէին ժխտում անցյալի հոգևոր ժառանգության դերը, բայց միաժամանակ գտնում էին, որ վերցնելով նրանից արժեքավորը, դրականը, պետք է այն զարգացնել եվրոպական լուսավորության օգնությամբ: Եվ քանի որ հայ ժողովուրդն իր հոգևոր զարգացման տեսակետից շատ է ետ մնացել եվրոպական մեծ ու զարգացած ազգերից ու

²⁰ Նույն տեղում, էջ 61:

²¹ Ս. Նազարյանց, Նամականի, էջ 75:

²² Ս. Նազարյանց, Յաղագս փորձական հոգեբանության ճառ, էջ Բ.:

կանգնած է նրանց կողմից կուլ գնալու վտանգի առջև, ուստի «Հյուսիսսահայ-
լի» խմբագիրը առաջարկում էր հայ ժողովրդի կյանքի բոլոր ոլորտների եվ-
րոպականացում: Նազարյանցի կարծիքով դա հրամայական պահանջ էր
դարձել հայերի համար և դրան նպաստում էր մանավանդ Ռուսաստանի հետ
Արևելյան Հայաստանի միավորման պատմական իրադարձությունը: «Հայոց
աղյուր այս բուպեումս երևում է կանգնած յուր բախտի դարձակետի վրա, մի
այնպիսի դրություն մեջ, որ պիտո է փոխվի դեպի լավը: Ստրկության կապան-
քը հանած են Հայերի վերայից յուրյանց հայրենիքումը. նորա կարող են այ-
ժմ շունչ առնուլ և արդեն կարելի է նկատել... թե նոցա մեջ զարթնել է մի
սնուրանալի ձգտողություն սեփականելու յուրյանց Եվրոպայի իմացական
կրթությունը: ...Հայ ժողովրդի հայրենիքը այժմ ազատված է ստրկության
լծից: Նա կապված է մի եվրոպական, լուսավորություն ընդունող տերության
հետ, ժողովրդի բոլոր իմացական զորությունքը կարող են այժմ ազատապես
աճել և հզորանալ: Եվրոպան բաց ու արձակ է Հայերի առաջև, նորա կարող
են մասնակից լինել նորա կրթությանը և լուսավորությանը»²³:

Հետևելով իր նախորդների օրինակին՝ Նազարյանցը ցանկանում էր հայ
ժողովրդին տանել եվրոպական լուսավորության ճանապարհով, բայց չէր
նկատում այդ քաղաքակրթության բերած արատները:

Պահպանողական ուժերի դիմադրությունը հաղթահարելու համար պա-
հանջվում էր պատերազմ վարել դրանց դեմ, որովհետև առանց պատերազմի
«վարթնում չեն գիտության մուղայքը»: Նազարյանցը գտնում էր, որ պայքա-
րը, առաջադիմության համար մղվող «պատերազմները» «ճշմարտության
սնմեկնելի եղբայրն են, այո և հաղթության զրափականքը չափազանց կա-
րևոր է մանավանդ մի այնպիսի ժողովրդի մեջ, որ հանկարծ տեսանում է
հարյուրավոր տարիներով մոլթ ամպերի տակ ծածկած լուսի ճառագայթնե-
րը, որ սկզբումը յուրյանց սաստիկ պայծառությամբ ծակում են շատերի աչ-
քերը, անտանելի են նոցա: Այս ևս բնական է, ըստ որում երեսան իսկույն
կարող չէ աչքիքը բանալ լուսի հանդեպ, ըստ որում դա դեռևս մի անսովոր
բան է նորա համար: Բայց առ սակավ-սակավ ամրանալով երեսայի տեսո-
ւական կարողությունը, նա սովորում է նայել լուսին և ուրախանում է այն
քաղցր աստվածեղեն պարզևի վերա, որից սկզբումը փախչում էր»²⁴: Այս
պատկերավոր համեմատությամբ նա ցույց է տալիս, որ պայքարի պրոցեսում
բացահայտվում և հաստատվում է գիտության հաղթանակը: Նմանօրինակ
առաջադիմական մտքերի համար Նազարյանցի դեմ ռեակցիան հետևողակա-
նորեն պայքարել է: Բայց այդ պայքարը նա համարում է միանգամայն իզուր
և անօգուտ, որովհետև «ժամանակի փոթորիկը ավելի զորեղ է, քան թե
նրանց հուսահատության վերջին հնարները»: «Իժմար է մեր ժամանակներում
աբացել ընդդեմ խթանի. թագավորները անգամ անբավական են այդ մասին,
և խոնարհում են ժամանակի պիտույքի և պահանջմունքի առաջև»²⁵:

Ա. Մխիթարյանին 1859 թ. գրած նամակում Նազարյանցը ուրախություն
է հայտնում, որ հայերի մեջ ավելանում է այն մարդկանց թիվը, որոնք սկսում
են զգալ, ճանաչել ճշմարտությունը: Նա կրկին պաշտպանում էր այն տե-
սուկետը, որ ժամանակը պատերազմ է և յուրաքանչյուրը ըստ իր կարողու-
թյունների ու հնարավորությունների պիտք է մասնակցի հնի ու նորի, ռեակ-

23 Ս. Ն ա զ ա ռ յ ա ն ց, Երկեր, հ. 1, էջ 92—93:

24 «Հյուսիսսահայլ» 1860, № 12, էջ 489—490:

25 Ս. Ն ա զ ա ռ յ ա ն ց, Նամականի, էջ 242:

ցիայի ու առաջադիմության միջև մղվող պայքարին: «Թող քաջությամբ զոտեվորին դոքա (իմա՝ ճշմարտության, առաջադիմության պաշտպանները—Ռ. Ա.) յուրյանց մեջքը. թող զրահավորեն յուրյանց բազուկը ճշմարտության վահանով, թող աներկյուղ ասպարեզ մտանեն պատերազմելու խավարի սպասավոր զինվորների հետ. թող վերջապես հասկանան, որ մեր կյանքը պատերազմ է. ոչ թե ունայն աշխարհական բաների պատճառով, այլ լուսավորության, ճշմարտության, ազգ ու եկեղեցի առաջադեմ կացությանելու, և ինչքան շատ աշխատելու և քրտնելու էր մեր մեջ ամեն միև, այնքան ևս մեծ և հոյակապ ասվելու է նորա վաստակը մարդկության ազդեցության մեջ: Ասացեք այդ արժանապատիվ վարդապետներին իմ անունով, ասացեք ոչ թե լեզվով միայն, այլ և հոգով և սրտով, թե մեր ժամանակը պատերազմ է և կարոտ է անձնագիր նահատակների, ով տղամարդ է, ով զգում է յուր մեջ այրական հոգի, որի համար դեռևս կենդանի է հայրենիք ասած բանը, թող ժողովե և ամփոփե յուր զորությունը հանդես մտանելու և վճռաբար գործ կատարելու. ամենևին անխտիր, անզգա մնալ անկարելի է. հարկավոր է կուսակցություն կամ աջակողմյան կամ ձախակողմյան դասի հետ. լինել ոչ այս և ոչ այն, ոչ միս և ոչ ձուկն, ինչպես ասում է առածը, կորուստ կբերի մեզ, ինչպես մինչև այժմ բերել է բազում մասնով և օրինակով»²⁶: Նազարյանցը և նրա համախոհները, առաջ տանելով ճշմարտության դրոշը, որոշեցին պատերազմել և հաղթել ռեակցիային, խավարին ու տգիտությանը կամ էլ քաջությամբ, սուրը ձեռքին ընկնել: Իսկ հայ հասարակության քաղաքական հետամնացության պայմաններում բնական է, որ Նազարյանցի ու Նալբանդյանի հիմնադրած «Հյուսիսսփայլ» ամսագիրը պետք է առանձնահատուկ նշանակություն ձեռք բերեր լուսավորության, գիտության տարածման գործում և հասարակական առաջադիմության համար մղվող պայքարում: «Հյուսիսսփայլը», ընդօրինակելով Աբովյանի լուսավորական գաղափարները և շարունակելով Մ. Թադևոսյանի «Ազգասեր» թերթի դեմոկրատական ավանդները, հանդիսացավ հայ իրականության հասարակական պայքարի նշանավոր ամբիոն:

XIX դարի 40—60-ական թթ. ինչպես Ռուսաստանում, այնպես էլ հայ իրականության մեջ հրապարակ իջան երկու հակադիր կուսակցություններ, որոնցից մեկի դրոշին գրված էր. «Շարժականություն դեպի առաջ, ընթացակցություն առաջադեմ ժամանակին, նորոգություն Ավետարանի լուսով. նորոգություն գիտության գործությամբ...», մյուսի վրա. «Ասիական անշարժություն, վերադարձ դեպի անմիտ տղայական օրեր, ոչինչ նորոգություն, ոչինչ վերաշինություն ազգային կյանքի—մի հայկական չինեականություն»²⁷: Նազարյանցը իրավամբ իրեն դասում էր առաջին կուսակցության մեջ և պայքարի սլաքն ուղղում էր հիմնականում կղերաֆեոդալական գաղափարախոսության, լուսավորությունն ու առաջադիմությունը «խափանող ու հալածող» ուժերի դեմ: Զպիտի մոռանալ, սակայն, այն կարևոր հանգամանքը, որ նա հասարակական առաջադիմությունը, այնուամենայնիվ, պատկերացնում էր որպես սոցիալական զարգացման պրոցես: Ի տարբերություն Միքայել Նալբանդյանի, որը հեղափոխական-դեմոկրատ էր և ընդունում էր ժողովրդական ասպետամբությունների հեղափոխական մեծ ու վճռական դերը, լիբերալ Նազարյանցը գտնում էր, որ հասարակության զարգացումը հիմնականում տեղի

²⁶ Նույն տեղում, էջ 203:

²⁷ «Հյուսիսսփայլ», 1961, № 1, էջ 2—3:

լ, ունենում խաղաղ էվոլյուցիայի ճանապարհով, վերևից եկող բարենորոգումներին միջոցով:

Ստեփանոս Նաղարյանցի հաճախ է անդրադառնում կնոջ էմանսիպացիայի հարցին: Նրա կարծիքով, կինը կարող է երջանիկ լինել ոչ միայն խորանալով «ճարտարության» դիտության և վաստակասիրության» մեջ տղամարդու հետ միասին, այլ «կանացի անձնվիրություն սիրելով ներգործում է կինը մարդկության վերա ազնվագործելով նորան, բախտավորելով գերդաստանը»²⁸: Սակայն կնոջ ստրկական վիճակը հայ իրականության մեջ հանգեցրել է այն բանին, որ «աղդի դատապարտելի անհոգություն և ոչ միևնույն նոցանից մինչև այսօր չէ ստացել այնպիսի դաստիարակություն և կրթություն, որ կարողանար օգուտ բաղել եվրոպական մատենագրությունից, ուսանել ինքը և ուսուցանել յուր զավակունքը»²⁹:

Նաղարյանցի ատելությունը է խոսում նաև կնոջ արժանապատվությունը ստորացնող մի այնպիսի երևույթի մասին, ինչպիսին հարեմներն էին: Այդ է վկայում նրա ցասկոտ քննադատությունը իսլամի հասցեին³⁰: Հայ լուսավորչին ըմբոստանում էր նաև քրիստոնեության կողմից սրբազործվող բարոյականության դեմ: Բանն այն է, որ Նաղարյանցի քրիստոնեությունն ընկալում էր որպես ոչ թե մի սովորական կրոն, որն արդարացնում էր կնոջ ստրկացումը, այլ իբրև կնոջը ազատություն տվող ուսմունք: Ըստ Նաղարյանցի, դարեր շարունակ մատուցվել է քրիստոնեության ոչ թե իսկական էությունը, որն է սեր, այլ նրա արտաքին կողմը: Այստեղ պարզ է դառնում, որ հայ լուսավորչին կնոջ և հասարակական կյանքում նրա խաղացած դերի հարցերում ուներ պատրանքային պատկերացում: Բայց և այնպես Նաղարյանցը առաջ էր քաշում կնոջ հասարակական դերի ընդլայնման, կրթության, ազատության, մատաղ սերնդի դաստիարակության հարցերը:

«Հյուսիսսահայի» էջերում Նաղարյանցի գետնադած նյութերից³¹ պարզ է դառնում, որ նա ընդհուպ մոռացել է կրոնի սոցիալական դերի ըմբռնմանը: Հարվածն ուղղվելով պապականների կողմից մատուցվող կրոնի դեմ, հայ լուսավորչին վերջին հաշվով հանգում է կրոնի՝ որպես խեղճ մարդկանց դիտակցությունը թմրեցնելու միջոցի գաղափարին: Կրոնը, նրա կարծիքով, «պապական դայակներին» կողմից մարդկությանը տրվող քաղցր «օսլիում» է, որը թմրեցնում է մտքերն ու զգայությունները:

Սակայն չենք սխալվի, եթե նշենք, որ Ստ. Նաղարյանցը դեռևս 1858 թ. «Հյուսիսսահայի» 4-րդ համարում գետնադած «Փրանսիական ուսուցիչի պատճառը» հոդվածում շնայած քննադատում էր ֆրանսիական մատերիալիզմը, բայց միաժամանակ կարծես ակամա ընդունում էր նրա տեսակետը կրոնի պատրանքակամայնաստորացին սոցիալական ֆունկցիայի վերաբերյալ, երբ գտնում էր, որ կրոնը «ժողովրդի մեջ ոմանց սանձահալում էր, ոմանց մխիթարում էր և օգտակար էր ամենքին»³²:

Կրոնը համարելով հոգևոր ճնշման մի տեսակ, Վ. Ի. Լենինը ցույց է տվել նրա կեղծ բարեպաշտականությունը ժողովրդի դիտակցությունը բթացնելու,

²⁸ Նույն տեղում, 1862, № 2, էջ 70:

²⁹ Նույն տեղում:

³⁰ Նույն տեղում, 1861, № 10, էջ 281:

³¹ «Հյուսիսսահայի», 1858, № 6, էջ 476 (Մ. Ն ա լ բ ա ն դ յ ա ն, Մխիթար և Մխիթարյանք):

³² Նույն տեղում, № 4, էջ 283:

շահագործումը ուժեղացնելու և երկնային հատուցման հույսով խաբելու գործում: «Կրոնը հոգևոր ճնշման մի տեսակ է,— գրում է Լենինը,— որ ամենուրեք և ամեն տեղ ծանրացած է ուրիշների համար հավետ աշխատող, կարիքի ու մենակության տակ ճզմված ժողովրդական մասսաների վրա: Շահագործողների դեմ մղած պայքարում շահագործվողների անզուրուկությունը նույնպես անխուսափելիորեն հանդերձյալ լավագույն կյանքի հավատ է ծնում, ինչպես բնության դեմ մղած պայքարի մեջ վայրենու անզուրուկությունն աստվածների, սատանաների, հրաշքների և այլ բաների հավատ է ծնում: Ով իր ամբողջ կյանքում աշխատում է ու կարիքի մեջ է, կրոնը նրան երկրային կյանքում հեղություն և համբերություն է ուսուցանում, միախառնելով նրան երկնային հատուցման հույսով: Իսկ նրանց, ովքեր ուրիշների աշխատանքով են ապրում: Կրոնը բարեգործություն է ուսուցանում երկրային կյանքում, նրանց արդարանալու շատ էժանագին միջոց առաջարկելով իրենց շահագործական ամբողջ գոյության համար, և ձեռնտու երկնային բարեկեցության տոմսեր ծախելով»³³: Քանի որ Նազարյանցի ապրած դարաշրջանում, պատմական այդ պայմաններում հասարակության առաջընթացը հիմնականում կապված էր կղերական-պահպանողական գաղափարախոսության դեմ մղվող պայքարի հետ, այդ իսկ պատճառով Նազարյանցի ազատախոհությունը իր ժամանակի համար, մանավանդ հայկական իրանականության մեջ, ուր եկեղեցին դեռևս ուժեղ դիրքեր ուներ, առաջագիմական քայլ էր մարդկանց մտքերը լուսավորելու գործում:

СТЕПАНОС НАЗАРЯНЦ О СОЦИАЛЬНОМ ПРОГРЕССЕ

Р. А. СААКЯН

(Резюме)

Развитие общества Ст. Назарянц рассматривал как закономерный процесс. Выступая против богословских концепций фатализма и провиденциализма, Назарянц защищал идею активной сущности человека, способного познать и соответственно изменить окружающий мир. Он отрицал роль духовенства в просвещении народа, последовательно и настойчиво подчеркивая разрушительное влияние католицизма на общественную жизнь, науку и культуру народов.

³³ Վ. Ի. Լենին, Երկեր, հ. 10, 1949, էջ 92—93: